

տուել մի 1200 բուրգու ալիւր, մնացած գումարը պահել է իր մօտ անգործագրելի, կամ ինչպէս ասում էին՝ իր համար պոլիմպրեպալ է բերել տուել՝ օգուտ քաղելու թէ՛ այդ բերել տուած 90 մեշու ալիւրը և թէ՛ արքունի ամբարից տրուած (կարծեմ) 400 մեշու ալիւրը՝ նոյն յանձնաժողովի հակողութեան տակ բաժանվել է հացթուխներին էման գնով, որ քաղաքի բնակիչների համար հաց թխել և լիտ 60 կոպէկով վաճառել, բայց շահախնդիր հացթուխները ծախել են բարձր գներով գիւղացու վրա թէ թխած հացը և թէ ալիւրը և քաղաքացիի ասածից երեքեք անգամ ար արդ պայտան հազանցութեան համար ինքը ղրկել է նախնազա-կան վարչութեան և ոստիկանութեան ու խնդրե-որ դրանց կողմից զօրաւոր հակողութիւն գործա-դրվի, որպէս զի գիւղացուց հաց չը տան հացթուխ-ները, բայց պատշաճաւոր օգուտիւն չէ ստացել նրանց կողմից։—Իրաւաստեանից արդարապէս մե-ղադրված յանձնաժողովի անդամ Հալիւ-Միլիզայ-Հիւսէինը, ըստ առաջարկութեան իրաւաստե վա-սիկ Նիկողարեանցի՝ յանձնառու եղաւ իր մօտ մը-նացած փողով բերել տալ ալիւր այն գնով, ինչ գնով որ 90 մեշուը գնել է սորանից երկու ամիս առաջ և սորանով արդարացաւ...

Գալով երկրորդ խնդրին՝ երեք զլիւսաւոր առա-ջարկութիւն եղաւ. 1) իր աւաստե վաճառել Նիկողա-րեանցը առաջարկեց, որ ստորագրութեամբ ժողո-ված փողով գնված ալիւրը գործադրվի միմայն քաղաքի աղքատների համար. ասաց՝ ցուցակա-գրել իր օք աղքատներին անունը, տալ իւրաքան-չիւր ընտանիքին հարկաւոր եղած հացի համար ամսական տ 0 մ 5 կ, որով իրաւունք ունենայ տոննալ իր համար որոշված քանակութեամբ թխած հաց՝ այն հացթուխներից՝ որոնց կը տրուի վարչութեանց ալիւր այդ նպատակի համար, իսկ նոքա (հարուստները) որոնց չի տրուի տոննակ, գնեն իրանց համար հաց փոքր ինչ աւելի գնով այն հացթուխներից, որք չեն ստանում ալիւր քա-ղաքից։ Այս տոնակների միջոցով կարելի էր ի-մանալ նախ թէ օրական ինչքան ալիւր պէտք է տրուի քաղաքային վարչութեանց, երկրորդ՝ տոն-նակ ունեցողը կարող էր ապահով ստանալ իր բաժինը միայն. երրորդ՝ քաղաքի պարտքը կիսով չափ կը լինէր. չորրորդ՝ հարուստներն էլ աղքատի բաժին մասնակից չէին լինի և ինչպէս որդ՝ որ և է հակողութեան հարկաւորութիւն չէր լինի. Բայց այս առաջարկութիւնը չընդունվեց, որովհետև 1) վարչութեան անդամ պ. Բարաջանեանցն ան-նախին համարեց կարճ միջոցում աղքատների ա-նունան ցուցակագրելը, ասելով որ՝ դորա համար հարկաւոր է առնուազն ամիս ու կէս ժամանակ՝ մոռանալով որ ամենամեծ քաղաքներն անգամ մի օրվայ մէջ կարողանում են ցուցակագրել. 2) այդ առաջարկութիւնը չը հասկացան իրաւաստեանից խիստ շատերը, որովհետև սովոր չեն պատշաճա-ւոր ունկնդրութեան. 3) Առաջարկութիւնն արաւ պ. քաղաքագլուխը՝ հիմնվելով ձայնաւորներից ո-մանց առաջարկութիւնների վրա և այսպէս ձեա-կերպեց. տասը հացթուխի տալ օրական 60 լիտր ալիւր, որից կը զոյաւայ 90 լիտր թխած հաց. դորա կէսը պարտաւոր են հացթուխները պատ-րաստելու մինչև առաւօտեան ժամը 7-ը, միւս կէսն էլ՝ մինչև ժամը 2-ը, զկի ճաշու. նշանակել իրաւաստեանից օրական հերթապահներ, որոց պարտաւորութիւնը լինի գնալ նշանակած ժամերին հացթուխներին խանութը, ստանալ թխած հացը կըսով և գնել դուրսը ծախելու համար. Առաջար-կութիւնն ընդունվեց, իբր չէտ իրագործելի, որի հետեւեան և ճիշդ կատարվելու մասին, առ-նուազն, տարակուսելի է.

4) Պէտք է ասել որ այդ երկրորդ առաջարկու-թիւնն ընդունվելուց յետոյ՝ իրաւաստեանից մէկը, այն է վարդան Նիկողարեանցը, առաջարկեց խորհրդին, այսպէս. որովհետև անկարելի է ճիշդ հակողութեան անել հացթուխների վրա, որ քաղաքի բնակիչների համար պատուիրած հացից չը գողանան և թանկ գնով չը ծախեն կողմնակի մարդկանց վրա և որովհետև անկարելի է արգելել, որ գիւղացից հաց չը գնեն քաղաքից՝ ուստի հարկա-ւոր է քաղաքային վարչութեանն ունենալ իր սե-փեւ կ'ան հաց արանը. 5—6 հատ, սորանով մը-ցել միւս հացթուխների դէմ, վասն զի միակ մըցու-թիւնն է, որ կարող է նոցա սանձահարել. խոր-հուրդը չընդունեց առաջ այս առաջարկութիւնը, բայց երբ պ. վ. Նիկողարեանցը հարցուց թէ արդեօք, եթէ հացթուխները չընդունեն քաղաքա-յին խորհրդի վճիռը և վարը կամ միւս օրը փա-կեն իրանց հացարանները, այն ժամանակ ինչ պէտք է անել. խորհուրդն ինկատի առնելով այս հարցը՝ վճեց. այդ ղէպով բանալ 5—6 հացա-գործութեան խանութ քաղաքի հաշուով և սորա իրագործելու համար ընտրեց 5 անդամից բաղկա-ցած մի յանձնաժողով, որը (չը գիտեմ ինչ մտքով)

առաջին յանձնաժողովի հակողութեան ներքոյ պէտք է գործէ։—Թէ ինչ հետեանք պիտի ունենան այս վճիռները, ոչինչ չեմ կարող ասել առ այժմ. բայց կը ցանկայի որ այսպիսի ստիպողական հանգա-մանքներում ք. վարչութիւնը կրկնապատկէր իր գործունէութեան եռանդը և աղքատ դասակարգի աննախնաձեկի վիճակին մարդասիրաբար կարեկցէր։—Մի երկու խօսք ևս էլ միմայն վարչութեան դէմ խօսողներին. Բաղաբիս պողաւմաւորութեան յաջողեցաւ 100 խալվար ցորեն գնել էլ միմայնից, խալվարը 80 բուրգով. 2ը գիտեմ ուրիշների կար-ծիքը այդ վաճառքի մասին ինչ կը լինի, բայց ես կ'ասեմ որ ինչ որ ընծայ կամ ողորմութիւնն է, պէտք է իր ընթացիկ գնովը վաճառվի. այդ կէ-տից նայած, պէտք է շատ շնորհակալ լինել Նորին Օծութիւնից, որ բարեհաճեց այդքանը գոնէ վա-ճառելու այդ գնով. Հաստատ աղբիւրից գիտեմ որ էլ միմայնը կերակրում է, բացի իր միաբաննե-րից՝ օրական 200 հոգի ևս, որոց մեծ մասը թիւր-քիայից զաղթածներն են կազմում. Այս 200 հո-գին, վանքի միաբանների հետ՝ կազմում են մօտ 300 հոգիք, որոց հազիւ բաւ լինի օրական մօտ մի խալվար ցորեն, այն ինչ վանքի ամբարում 600 —650 խալվար է մնում միայն, որից էլ միմայնի պէս վանքը պէտք է գոնէ մի տարվայ պաշար պահէ և մնացածովն էլ իր չրջակայ և սեպական գիւղերին օգնէ.

Ալիւնի

ՆԱՄԱԿ ԴԵՐԵՆԵՒԻՑ

18 յունվարի

Այս տարի կովկասի ամեն կողմերից հազար ու մի տխուր լուրեր են հասնում հացի թանգու-թեան պատճառաւ, ամեն տեղ ժողովուրդը վեր-դոված լարված վիճակի մէջ է, ամենքի խօսակ-ցութեան առարկան հացի թանգութիւնն է. հա-զարաւոր ըուրիւններ միտնում են սովի առաջն առնելու, բայց դարձեալ բաւական չէ՝ դեռ ձմե-ռը և գարունը շատ փողեր պիտի կուլ տան և ով գիտէ ինչպէս կ'անցնի ամառը.

Մենք հայերս միշտ զարթնում ենք այն ժամա-նակ, երբ վտանգը արդէն հասնում է և դանակը ոսկորին դէմ ընկնում, իսկ նրանից առաջ մեզ համար ամեն մի գործութիւնը ջլատող երեւոյթ, ա-մեն մի սպառնացող վտանգ նշանակութիւն չունի. մենք չենք հեռաւտեանութիւն ինչ կը լինի այս կամ այն վտանգի հետեանքը և ամենին չենք աշխա-տում իր ժամանակին նրա առաջն առնել, այլ ըս-պատում ենք մինչև որ վտանգը գալիս է և սկսում է իր աղղեցութիւնը բանեցնել, ահա այն ժամա-նակ միայն դարձնում ենք և հանդէս դուրս դա-լով ձայն տալիս, թէ ժողովրդի այս ինչ պէտքը պիտի հոգացվի, դարման տանիլ. Մինչև մեր ժողովրդի կազմելը, փող հաւաքելը, պաշար բերել տալը ունեւորը մանկեանում է, մանկը աղքա-տանում, իսկ աղքատի օրը աւելի սեւանում և դառ-նանում. Բաղաբացին գոնէ կարող է մի կերպով իր գլուխը պահել, բայց գիւղացին ինչ պէտք է անէ իր աննախնաձեկի դրութեան մէջ, չէ որ նա ակամայ իր ունեցած չունեցածը հացի պիտի տալ սովից չը մեռնելու, միանգամայն յոյսը Աստուծու վրա դնելով, բայց թէ ինչ խեղճութիւններ են պա-տահում, այդ ինքն ըստ ինքեան յայտնի է.

Ո՛վ պէտք է հոգալ գիւղացու վիճակի բարւո-րմանը, գիւղացին. նա տղէտ է, նա անկարող է դեռնալ. Բաղաբացին որ այնչափ շահում է նրա-նից, որ այնքան սերտ կապ ունի նրա հետ, չը պէտք էր սառն ու անտարբեր մնալ դէպի նրա թշուառ վիճակը, նրա կեցութիւնը. չէ որ նրա շահերը իր իսկական շահերն են. եթէ քաղաքացին ուզում է իր անձի շահը, անպատճառ պիտի բար-ւառէ գիւղացու դրութիւնը. Գժաղաբար մինչև այսօր հայ գիւղացու և հայ քաղաքացու մէջ մի անանցանիկ անգունդ կայ. Բաղաբացին չը նա-յելով որ ամեն օր գիւղացու տոմանակը աշխա-տութեան արդիւնքն է վայելում, դարձեալ հեռու է պահում իրեն և մի տեսակ արհամարհանքով նրա վրա նայում. նա կարծում է թէ գիւղացին մի տեսակ արարած է, որ բնութիւնից սահ-մանվել է միայն իրեն ստրկաբար ծառայելու, իր պէտքերը լցնելու, այդ իսկ պատճառաւ էլ չէ թափանցում նրա ներքին վիճակին, չէ աշխա-տում նրա նիւթական ապահովութեան և բարո-յական զարգացման համար. քաղաքացին բոլոր-մին հեռու է այդպիսի զաղափարներից.

«Մշակը» իր համարներում անդադար կրկնում է գիւղացու ապահովութեան համար, քանի քանի միջոցներ է առաջարկում, բայց ո՞ր, մեր հայերը այնքան փափուկ սիրտ չունեն ճշմարտութիւնը ընդունելու, նրանք մի քանի տարի շարունակ

փորձութեան պիտի մատնվին, որ ապա թէ ըս-կան մի բան անել. Գառը Աստուծու, մի երկու տարի է որ փորձութեան համը առնում ենք, այ-սուհետեւ գոնէ աշխատենք ապագայի փորձանք-ներից ազատվելու, այսուհետեւ գոնէ խելամոռնք, որ մինչև մեր մէջ ընկերութիւններ չը կազմվեն՝ գիւղացու կենքը ապահովացնելու, գիւղատնտե-սութիւնը ծաղկեցնելու, նրան նահապետական դրութիւնից հանելու, մենք միշտ պիտի վնաս-վենք և տաճապատիկ տուենք.

Դէրեքնդը, ինչպէս երեւում է, ամբողջ կովկա-սում ամենաբարձրիկ դրութեան մէջ է գտնվում հացի կողմանէ. Ալիւրի պուրը չըջակայ քաղաք-ներում հասել է մինչև 2 բուրգի 50 կոպ. մինչ-դեռ այստեղ 1 բուրգի 50 կոպէկով կարելի է լաւ ալիւր գնել. թէ քաղաքը և թէ մասնաւոր անձինք ժամանակին եթէ ոչ առաւ, գոնէ մինչև ամառ-նամուտը բաւականացնող ցորեն են գնել և այժմ ալիւր չիսկելով վերոյիշեալ գնով ծախում. Միւր թանգ է, ֆունար 10—12 կոպ. ոչխարին, իսկ տաւարինը 8 կոպէկ. բայց բնութիւնը այդ կող-մից էլ օգնել է մեզ, վայրենի բաղերը խմբերով լին են թէ ծովը և թէ դաշտերը, այնպէս որ հատը 10—12 կոպէկով ամեն օր մահ են ածում. Ամիս 15-ին ռուսները մի ներկայացուած տուին յօգուտ տեղական քաղաքած մուսուլմանների հա-մար. բարձրաստիճան մարդկանց կանայք թէ հայերից և թէ ռուսներից կառավարչի պաշտոն էին կատարում բուժէտուած, որի եկամուտը յառ-կացած էր նոյնպէս մուսուլմաններին. ներկայա-ցումը բաւականին յաջող անցաւ և մեծ տպաւո-րութիւն գործեց. թող օրինակ առնեն մեր հա-յերը ռուսաց այս մարդասէր վարմունքից.

Դէրեքնդի

ՆԱՄԱԿ ՍԱՐԻՂԱՄԻՇԻՑ

22 յունվարի

Սարիղամիշ գիւղը գտնվում է Վարդի նահա-նում. Ռուս-թիւրքական պատերազմից առաջ այս հայաբնակ գիւղը բաւական բազմամարդ էր. ինչպիսիքները պարապում էին երկրագործութեամբ, զլիւսաւորապէս և վաճառականութեամբ մասնա-ւորապէս. Բայց խեղճ և անգործ, առանց ուրիշնե-րին մագաչալի վնաս հասցնելու, ընթանում էին իրանց ընտրած խաղաղ և բնական շաւղով.

Այն ինչ, երբ պատերազմն սկսվեցաւ՝ կորաւ, բռնաբարվեցաւ նոցա խաղաղ կենքը, նոցա կենքին սպառնացաւ անապահովութիւն, մահ, նեղութիւն, տանջանք... և շատերը տալով իրանց բոլոր ունեցած կարողութիւնը—ունեցած չունե-ցած հարստութիւնը, իրանց կենսական անհրա-ժեշտ միջոցները զարկերին, որոնք մարդկային պատկերով ու հանդերձով յայտնվել էին և այս կողմերից մեծ քանակութեամբ գոհեր էին տա-նում, այլ և ետ ունեցան իրանց կենքերը.

Պատերազմի վերջնաւուրց փորը ինչ առաջ, այս խեղճ արարածները, չը կարողանալով տա-նել ամենայն տեսակ տմարդի կամայականութեան, ցրվեցան ալ և ալ տեղեր, որոնց մնացորդները այժմ այստեղ կազմում են մի քանի հայ ընտա-նիք, որոնք պարապում են երկրագործութեամբ և մանրավաճառութեամբ (զօրքի վրա).

Պատերազմը վերջնաւուրց յետոյ այստեղ մտա-կան զօրք ուղարկվեցաւ.

Այս ծննդան տօնին ռուսները մեծ պատրաս-տութիւն էին տեսնում այդ մեծ տօնը կատարե-լու. Այն ինչ մենք, հայերս, ոչ եկեղեցի ունէինք և ոչ էլ քահանայ, ուստի մենք պէտք է զօրքի մնայնք դորանից, եթէ մայր Գլորիամազ Յով-հաննիսեանը չը հրաւիրէր մերձակայ հայաբնակ Բնաբաջին գիւղի Մեսրոպ քահանայ Տէր-Յով-հաննիսեանցին և տօնակատարութեան համար իր տանը տեղ չը տար.

Այս առաջին աղապարական գործը չէ, որ մ. Գ. Յովհաննիսեանը կատարում է, նա շատ ան-գամ է օգնել խեղճ և անճար հայերին.

ՄԿրտիչ Տէր-Սիմեոնեանց

ՆԱՄԱԿ ԽՄԲԱԳՐԻՆ

Տանձուտ, 17 դեկտեմբերի

Ձեր լրագրի 1879 թւականի 200 համարում յայտնած էր մի քանի շուշեցիների զանգատը, որոնց օգնութեան ես ղրկել էի Եկեղեցիագլուկի վէպը տարածելու համար.

Իմ պարտքն էր պ. պ. ստորագրողներին բա-ւականացնել, բայց ես ստորագրութեան թերթը և գումարը հեղինակին ուղարկելիս, յայտնել էի նո-

րան իմ հեռանալը Շուշուց, և խնդրել ուրիշն

յանձնելու գրքերը բաժանելու գործը. Յոյս ունեմ որ շուշեցի պ. պ. ստորագրողները կը ղրկեն հեղինակին, նրան ուղղելով իրանց պա-հանքը.

Ա. Թոխմախեան

ՆԱՄԱԿ ԽՄԲԱԳՐԻՆ

Թիֆլիս, 28 յունվարի

Հաստատ աղբիւրներից տեղեկանալով վանի անտանելի սովի մասին, իսկոյն սկսեցինք նուիրա-տութիւններ ժողովել զանազան դասակարգի մարդ-կանցից, որի գումարն եղաւ հարիւր քսան և երկու բուրգի ութսուն և մէկ կոպէկ. ի միաժողովին նուիրատուներին. խնդրում ենք ձեռնարկ, պ. խրմ-րաղիր, տեղի տալ տպելու նոցա անունները ձեր պատուական լրագրում և ուր հարկն է չուտով տեղ հասցնել.

Յարութիւն Շահաղիգեանց 5 բուրգ, Մ. Ռոստո-մանց 5 բ., Յ. Աղամիրեանց 5 բ., եղբարք Մնա-ցականեանք 5 բ., Ի. Մովսէսեանց 5 բ., Յ. Մո-վսէսեանց 5 բ., Ալէքսան Դ. Միլիկեանց հարուստ վաճառական 6 կոպ., Ա. Խոջամիրեանց 3 բ., Դրամեանց 3 բ., Յարութիւն Գէորգեանց 3 բ., Ալէքսանդր Ալմեանց 3 բ., Տիգրան Մովսէսեանց 3 բ., տիկին Սյայմէ Զաղաթեանց 2 բ., Արշակ Մովսէսեանց 2 բ., Նիկողոս Նիկողոսեանց 2 բ., Մ. Դանդուրեանց 2 բ., Բ. Մովսէսեանց 2 բ., Կարապետ Ապանեանց 2 բ., Սարգիս Գապա-րեանց 2 բ., Գապար Տէր-Օհաննիսեանց 2 բ., Հայրապետ Սուլիսեանց 2 բ., Այսպառ օմն 2 բ., Զ. Գրիգորեանց 1 բ., Ս. Գուլամիրեանց 1 բ., Յովհաննէս Չամչեանց (աւանդ) 1 բ., Ալմէն Պետրոսեանց 1 բ., Ալէքսանդր Սուլիսեանց 1 բ., Եագոր Մովսէսեանց 1 բ., օմն 1 բ., Սերի-րեակով (ուսանող) 1 բ., Միլիզայ Ս. Տէր Յովհան-նէսեանց 1 բ., Բարսեղ ա. Նիկողոսեանց 1 բ., ժամագործ հայ 1 բ., ժամագործ հայ 1 բ., Սարգիս հայ 1 բ., Համազասպ Սարգսեանց 1 բ., Սար-գիս Մակարեանց 1 բ., Ստեփան Սուլիսեանց 1 բ., Յովհաննէս Բարսեղեանց 1 բ., Միսա Պատրեանց 1 բ., Մարգար Տ. Օհաննիսեանց 1 բ., Առաքել Խաչումեանց 1 բ., Գէորգ Տապատապեանց 1 բ., Մարտիրոս Շիգանեանց 1 բ., Սէրգէյ Բա-զադեանց 1 բ., Սիմեոն Բարսամեանց 1 բ., Եագոր Կուրանեանց 1 բ., Ս. Գարաջով 1 բ., Ս. Յարութիւնեանց 1 բ., Յ. Միլիկեանց 1 բ., Ալեքսե-սեանց 1 բ., Արտէմ Սարգիսեանց 1 բ., Ս. Մամիկոնեանց 1 բ., Եագոր տէր Ստեփանով 1 բ., Ն. Կովանեանց 1 բ., Ջիւլէր Սուրբուկով 1 բ., Պ. Սարգիսեանց 1 բ., Ս. Գափեանց 1 բ., Յ. Բոնապեանց 1 բ., Յ. Սարգսեանց 1 բ., Ա. Վարդանեանց 1 բ., Ս. Վարդանեանց 1 բ., Ա. Շաքարով 1 բ., ախալցխայի 1 բ., հայ օմն 1 բ., հայ օմն 1 բ., Մելիք-Մհարեանց 1 բ., Մելիք Մուրադեանց 1 բ., Արտէմ Տէր-Յովհաննէսեանց 1 բ., Կ. Վարդանեանց 1 բ., Շուշանիկ Խոջա-միրեանց 1 բ., Պիտիկեանց ուսանող 50 կ., Չի-լիկեանց ուսանող 50 կ., վասիլ Մամիկոնով 50 կ., Հովսէփէր Զախվէրդեանց 50 կ., Սարգիս Մնացականեանց 50 կ., Կարապետ Սիմեոնեանց 50 կ., Գրիգոր Շահաբաթեանց 50 կ., Ա. Խա-չատուրեանց 50 կ., Եագոր Մելիքեանց 50 կ., Յ. Միլիկեանց 50 կ., Գրիգոր Լիմոնով 50 կ., Ն. Գարսոն 50 կ., Մկրտիչ Խաղաղորդեանց 50 կ., Ա. Վարդանով սափրիչ 30 կ., Ն. Մատնով (երկապ) 25 կ., Կատուով ուսանող 20 կ., Գոն-դուրեանց 20 կ., Լուսին Թուրեանց 20 կ., Ալեքսէր պարսիկ 10 կ., Դումարն է 122 բ. 81 կ.

Ս. Գուլամիրեանց և Ա. Խոջամիրեանց

ՆԵՐՔԻՆ ԼՈՒՐԵՐ

Մեզ հաղորդում են ԱԽԱԳԱՒԱԲԻՑ, որ օրի-րում պ. Մ. ի տան մէջ եղած հացկերպովի ծա-մանակ մի քանի պարոններ յօգուտ քաղաքի չը-բաւարարելու նուիրել են 54 բուրգ.

Վերջին օրերի ընթացքում ԹԻՖԼԻՍԻՍԻՍԻՍ եղա-նակը փոխվեց. Օրերը տաք և զարնանային են. «Тифл. Вѣстн.» լրագիրը հաղորդում է, որ իր խմբագրութեան խմբագրութեան յօգուտ սովորակ-ների տուած ներկայացումից ընդհանուր եկամուտ եղել է 1075 բ. 40 կ., թատրոնի վարձ տուած է պ. Պապիս 300 բ., ուրեմն մնացել է 775 բ. 40